

*Agalliastes Wilkinsoni* Dougl. et Sc., pag. 66, *adde: Hab.* in territoriis frigidis Sibiriae occidentalis (Dudinka!, Tolstoinos!), Norvegia (Salten!, Bodö!), D. J. SAHLBERG.

*Agalliastes evanescens* BOH., pag. 67, *adde: Hab.* in *Anchusa*, sec. D. Prof. FREY-GESSNER.

*Atomoseelis* REUT., pag. 67, lin. 13, *infra, legitur:* antennis articulo secundo latitudine capitis longiore; *deletur.* Lin. 1, *infra, legitur:* secundo latitudine capitis longiore; *deletur.* Haec verba tantum ad *A. onustum* referenda; novam speciem autem hujus generis D. JAKOVLEFF detexit, cujus articulus secundus antennarum capitis latitudini aequae longus:

### *Atomoscelis brevicornis* REUT.

*Diagnosis:* Prasinus, unicolor, tantum capite nonnihil flavescente; antennis virescentibus, unicoloribus, articulo secundo capitis latitudini posticae longitudine aequali; membrana tota hyalina, venis virescentibus; femoribus supra fere innotatis, subtus apicem versus atomis nonnullis adpersis; spinulis tibiatarum nigris, e punctis nigris nascentibus; tarsis posticis articulo ultimo duobus primis simul sumtis paullo brevioribus. Long. ♀  $2\frac{1}{4}$  mm.

*Syn.: Atomoscelis brevicornis* REUT., Öfv. Finska Vet. Soc. Förh. XXI, 39, 15!

*Hab.* in Rossia meridionali (Astrachan!), D. JAKOVLEFF.

*Descr.:* Structura capitis et pronoti, longitudine rostri etc. *A. onusto* FIEB. omnino similis, differt brevitate antennarum et praecipue earum articuli secundi, corpore unicolore, punctis femorum minutis, superne omnino obsoletis tibiisque nigro-spinulosis. Corpus virescens vel prasinum, omnino unicolor, subtus albicanti-pubescentibus (pilae superficiei superioris in specimina detritae?). Caput latitudine basali pronoti circiter  $\frac{1}{3}$  angustius, nonnihil flavescens. Oculi nigri. Rostrum coxas posticas attingens, virescens, apice latius fusco-nigro. Antennae corpore cum hemelytris circiter duplo breviores, unicoloriter virescentes, subtilissime albicanti-pubescentes, articulo secundo latitudini basali capitis longitudine aequali, duobus ultimis simul sumtis hoc paululum longioribus. Pronotum basi longitudine magis quam duplo latius, callis leviter flavescens. Scutellum apice paullo obscurius virescente. Hemelytra omnino unicoloriter dilute prasina; membrana cum areolis tota hyalina, venis virescentibus. Pectus et abdomen virescentia. Pedes femoribus virescentibus, margine antico ante apicem seta nigra, supra innotatis, subtus apicem versus atomis nonnullis fuscis adpersis, posticis etiam superne punctis minutis fuscis in seriem obliquam prope apicem positis; tibiis albidis, spinulis nigris e punctis sat magnis nigris nascentibus; tarsis subtectis, articulo ultimo duobus primis conjunctis brevioribus, apice fusco; unguiculis dente basali ut in *A. onusto* armatis.

Ante *Plagiognathum spilotum* FIEB., pag. 71, *adde:*

### *Plagiognathus? annulicornis* REUT.

*Diagnosis:* Virescens, capite et pronoto pilis argenteis parce adpersis, hemelytris pilis nigris fragilibus pubescentibus; capite, pronoto antice basique